



Petrus à teneris annis operam literis dedit, atque sua eruditione & uirtute magisterij gradu insignitus fuit. Is ob uitæ integritatem Vuienensium parochus creatus est. Cum autem is uitia cleri uehementius coriperet, atque Iudæorum scelera patefaceret, eius tempore, Anno post Christi nativitatem millesimo ducentesimo sexagesimo sexto celebris illa synodus Vuienensis à Clemente tertio pontifice Romano indicta & habita fuit. In ea multæ constitutiones contra clerilicentiam & Iudæorum insolentiam constitutæ. quoniam autē huius Petri uirtutes tum plurimum innotescerent, ac sedes Patauiensis uacaret, ipse eius loci Episcopus omnium patrum Concilij consensu constitutus est. quam etiam functionem ipse pio animo obiuit, atq; suo exemplo sacerdotes in officio retinuit. Itaq; magnam apud omnes nominis existimationem nactus est. Laz.lib.2.rerum Viennensium.